

ÁRSSKÝRSLA 2005



MÍMIR
SÍMENNUN

ÁRSSKÝRSLA 2005



EFNISYFIRLIT

	Bls.
Ávarp stjórnarformanns	3
Inngangur framkvæmdastjóra	4
Stjórn og starfsmenn	5
Saga Mímis-símenntunar	6
Nám til eininga	8
Nám fyrir atvinnulífið	10
Einstaklings- og tómstundanám	12
Íslenska fyrir útlendinga	14
Námsráðgjöf og erlent samstarf	16
Þróunarverkefni	17
Lykiltölur úr rekstri	18



ÁVARP STJÓRNARFORMANNS



Mímir-símenntun hefur starfað í rúm þrjú ár og hefur nú þegar sannað gildi sitt, bæði fyrir vinnnumarkaðinn og fyrir einstaklinga sem vilja sækja sér aukna menntun. Sífellt kemur betur í ljós hversu mikilvægt er að geta boðið upp á sérsniðið nám fyrir fólk á vinnnumarkaði og hefur Mímir-símenntun sérstöðu hvað þetta varðar enda einn fárra aðila sem býður upp á slíkt nám. Enn hefur fjölgað verkefnum Mímis í starfstengdu framhaldsnámi sem byggt er á einingakerfi og námsskrá á vegum menntamálaráðuneytisins. Sem dæmi um slíkt nám má nefna félagsliðanám og leikskólabrú. Í báðum tilvikum er námið ætlað fólk sem hefur langa reynslu á vinnnumarkaði.

Þegar lokið var gerð samkomulags á vinnnumarkaðnum í nóvember 2005 um 100 milljón króna framlag frá ríkinu til fræðslumála fullorðinna var ljóst að miklum áfanga var náð. Viðurkenning af þessum toga er mjög mikilvæg og gefur Mímir-símenntun allt aðra stöðu til að standa fyrir námstilboðum til fólks og til að halda einingabær námskeið. Í samkomulaginu var einnig horft til þess mikilvæga þáttar sem náms- og starfsráðgjöf er.

Á síðasta ári urðu kaflaskil í málefnum íslenskukennslu fyrir útlendinga en þá var gerður samningur við Menntasvið Reykjavíkurborgar um að íslenskukennslan yrði hluti af starfsemi Mímis. Sú kennsla hafði áður farið fram hjá Námsflokkum

Reykjavíkur sem fóru í gegnum mikið breytingaferli á síðasta ári. Mjög mikil aðsókn er í íslenskunám þessi misserin enda fjölgun erlendra starfsmanna mikil á íslenskum vinnnumarkaði.

Enn og aftur hafa verið langir biðlistar á lesblindunámskeiðin Aftur í nám en þau hafa sannað gildi sitt svo um munar. Það er einstakt að fá að taka þátt í þessari þróun þar sem nú er hægt að ræða þessi mál opið og fólk getur fengið hjálp við að ná tókum á lestrarvanda. Þetta er eitt af þeim verkefnum sem samfélagið hefur skilið eftir á skeri en er komið á land hjá Mímir-símenntun sem viðurkennt verkefni af opinberum aðilum.

Mörg önnur mikilvæg verkefni eru í gangi og ber þar að nefna kvenna- og karlasmiðju sem eru samstarfsverkefni með Tryggingastofnun ríkisins og Velferðarsviði Reykjavíkurborgar. Smiðjurnar eru ætlaðar fólk sem hefur átt erfitt með að fóta sig á vinnnumarkaði. Margir þátttakendur úr smiðjunum hafa haldið áfram í formlegu námi á meðan aðrir hafa fengið vinnu. Smiðjurnar hafa því fyrir löngu sannað gildi sitt.

Á ofangreindu sést vel hversu mikilvægu hlutverki Mímir-símenntun gegnir. Menntun, eins og sú sem Mímir veitir, getur skipt sköpum, bæði fyrir fólk sem vill bæta við sig menntun á lífsleiðinni og ekki síður fyrir vinnustaðina og samfélagið. Allir hagnast.

Þórunn H. Sveinbjörnsdóttir

INNGANGUR FRAMKVÆMDASTJÓRA



Mímir-símenntun hefur nú lokið þriðja starfsári sínu og hefur umfang starfseinnar vaxið verulega. Velta fyrirtækisins hefur aukist um 45% milli ára og nemendastundum hefur fjölgað um 80%. Slíkur vöxtur er ekki verk eins eða fárra einstaklinga heldur samstarf margra aðila og ber þar sérstaklega að þakka duglegu, áhugasömu og hæfu starfsfólki Mímis-símenntunar. Vöxtur fyrirtækisins skýrist að miklu leyti af mikilli aukningu í starfstengdu námi til eininga svo sem félagsliðabréu og brú fyrir aðstoðarfólk á leikskólum.

Í öllu starfi fyrirtækisins er lögð áhersla á að veita markhópi Mímis, sem er fullorðið fólk með stutta formlega skólagöngu, sem besta þjónustu. Mímir hefur einnig lagt sig fram um að sinna þörfum fólks sem vill auka færni sína í erlendum tungumálum eða taka tómstundanámskeið sér til gagns og ánægju. Einna mest varð aukningin þó í námskeiðum fyrir erlent fólk sem vill og þarf að læra íslensku. Hefur sú aukning aðallega orðið vegna þjónustusamnings við Námsflokka Reykjavíkur um að Mímir annist íslenskukennslu fyrir útlendinga sem hafa búsetu í Reykjavík.

Eftirspurnin eftir námskeiðum sem gefa einingar inn í framhaldsskóla hefur farið vaxandi. Leiðir til að stunda nám til eininga eru einkum tvær hjá Mímis-símenntun. Annars vegar að fylgja námskrám eða framhaldsskólaáföngum samþykktum af menntamálaráðuneytinu og hins vegar með námsleiðum Fræðslumiðstöðvar atvinnulífsins. Það er ljóst að á


næstu árum verður haldið áfram að þróa nýjar námsleiðir til framhaldsskólaeininga sem hæfa fullorðnu fólki. Eins er fyrirjáanlegt að eftirspurn eftir raunfærnimati til styttingar á námi mun aukast í nánustu framtíð. Raunfærni er samanlögð færni sem einstaklingur hefur náð með ýmsum hætti, s.s. starfsreynslu, starfsnámi, frístundanámi, skólanámi, félagsstörfum og fjölskyldulífi. Mímir-símenntun hefur stýrt áhugaverðu þróunarverkefni sem felst í því að bjóða einstaklingum sem hófu iðnnám, hættu í náminu en vinna áfram í viðkomandi grein, að koma í raunfærnimat. Í framhaldi af því er fólki bent á leiðir til að ljúka námi í greininni. Vélvirkjun varð fyrst fyrir valinu en þegar þróunarverkefninu lýkur verður aðferðafræðin yfirfærð á aðrar iðngreinar.

Fullorðinsfræðsla og símenntun eru vettvangur sem er í hraðri þróun. Mímir-símenntun mun halda áfram að taka virkan þátt í þeirri þróun og í mörgum tilfellum leiða hana. Það eru bjartir og spennandi tímar framundan sem ögrandi verður að takast á við.

Hulda Ólafsdóttir

Heildaryfirlit yfir nemendastundir

■ Tömstundanám ■ Nám f. atvinnulaust fólk ■ Almenn námskeið
■ Starfsmenntanáms ■ Íslenska fyrir útlendinga ■ Íslenska fyrir útlendinga



STJÓRN OG STARFSMENN



Starfsmenn

Nafn

Aðalheiður Sigurjónsdóttir
Arndís B. Jóhannsdóttir
Björn Hafberg
Guðrún Ósk Óskarsdóttir
Haukur Harðarson
Helga Björk Pálsdóttir
Hjördís Kristinsdóttir
Hulda Anna Arnljótsdóttir
Hulda Ólafsdóttir
Ingibjörg Stefánsdóttir
Jakobína Cronin
Lára Böðvarsdóttir
Rósa S. Jónsdóttir
Sigríður Einarsdóttir
Sólborg Jónsdóttir
Þorbjörg Halldórsdóttir
Þór S. Ólafsson

Netfang

heida@mimir.is
arndis@mimir.is
bjorn@mimir.is
gudrun@mimir.is
haukur@mimir.is
helga@mimir.is
hjordis@mimir.is
haa@mimir.is
hulda@mimir.is
ingibjorg@mimir.is

rosa@mimir.is
sigridur@mimir.is
solborg@mimir.is
thorbjorg@mimir.is
thor@mimir.is




Stjórn

Í stjórn fyrirtækisins sitja Þórunn Sveinbjörnsdóttir, formaður, Stefanía Magnúsdóttir, Einar Jón Ólafsson, Ólafur Darri Andrason og Skúli Thoroddsen.


Almenn námskeið

■ Nemendastundir




Starfstengt nám

■ Nemendastundir



Einstaklings- og tómstundanám

■ Nemendastundir



SAGA MÍMIS-SÍMENNTUNAR



Mímir-símenntun á sér traustar rætur hjá hugsjónamönnum innan verkalýðshreyfingarinnar sem lögðu grunninn að menntun fyrir alþýðu manna. Rætur þeirrar starfsemi má rekja allt aftur til upphafs síðustu aldar. Þannig stóð Fulltrúaráð verkalýðsfélaganna í Reykjavík að stofnun Kvöldskóla verkamanna árið 1924 en þar voru kennd ýmis undirstöðufög. MFA hið eldra eða Menningar og fræðslusamband alþýðu var svo stofnað á Alþýðusambandsþingi árið 1937 en tilgangur þess var að vinna að almennri menningu og fræðslu íslenskrar alþýðu. Árið 1942 fluttist starfsemin frá ASÍ. Á sambandsstjórnarfundi ASÍ árið 1969 var svo reglugerð fyrir MFA hið síðara samþykkt. Þar með hóf ASÍ aftur starfsemi Menningar og fræðslusambands alþýðu. Strax í upphafi var megináherslan lögð á fræðslumál. Haldin voru námskeið, fræðslufundir og ráðstefnur um mál efni sem voru ofarlega á baugi hjá verkalýðshreyfingunni á þessum tíma. Árið 1975 stofnaði ASÍ svo

Félagsmálaskóla alþýðu og sá MFA um rekstur hans. Ellefu árum síðar eða árið 1986 yfirtók MFA rekstur Tómskundaskólans sem hafði verið stofnaður árið áður af þremur einstaklingum. Árið 1989 setti Alþingi lög um Félagsmálaskóla alþýðu. Samkvæmt þeim er skólinn fyrir félagsmenn ASÍ og BSRB. Árið 1995 keypti Tómskundaskólinn Málaskólann Mími af Stjórnunarfélaginu. Í framhaldinu varð nafn fyrirtækisins Mímir-Tómskundaskólinn.

Enn urðu breytingar á fræðslustarfi á vegum ASÍ árið 2003. Þá var Mímir-símenntun ehf. stofnað og tók við hluta verkefna frá Menningar- og fræðslusambandi alþýðu og öllum verkefnum frá Mími-Tómskundaskólanum. Þau verkefni sem varða fræðslu fyrir talsmenn verkalýðshreyfingarinnar fluttust með MFA og Félagsmálaskóla alþýðu til ASÍ. Enn sér þó Mímir að miklu leyti um námskeiðahald fyrir Félagsmálaskólann.

Markmið Mímis-símenntunar er að vinna að full-
orðinsfræðslu og símenntun og reka mennta- og
fræðslustarfsemi til almannaheilla. Markhópur
Mímis símenntunar er einkum sá hópur sem stysta
formlega menntun hefur að baki. Einstaklings- og

tómstundanámið höfðar hins vegar til fólks úr öll-
um þjóðfélagshópum. Þá hefur íslenskunám fyrir
útlendinga nýlega orðið mjög stór þáttur í starfinu
en það nám höfðar að sjálfsgöðu til afmarkaðs hóps.

Á þessari mynd má sjá hvernig þróunin hefur orðið frá stofnun MFA árið 1969

1969

**Menningar- og
fræðslusamband alþýðu
stofnað**

1986

**MFA yfirtekur rekstur
Tómstundaskólans**

1995

**Tómstundaskólinn
kaupir Málaskólann Mími,
í framhaldinu er nafni fyrirtækisins
breytt í Mímir-Tómstundaskólinn**

2003

**Mímir-símenntun ehf. stofnað.
ASÍ tekur yfir verkefni
er varða félagsmálafræðslu
hreyfingarinnar.**

NÁM TIL EININGA



Nám til eininga er ýmist samkvæmt samþykktum námskrám menntamálaráðuneytisins eða námsleiðum Fræðslumiðstöðvar atvinnulífsins. Í mörgum tilfellum nýtist námið sem leið yfir í formlega skólakerfið en einnig er oft um að ræða starfstengt nám sem gefur aukin réttindi og kjarabætur. Nám

samkvæmt þessum flokki getur bæði tilheyrt starfstengdu námi, s.s. félagsliðanámi og jarðlagnatækni og almennu námi eins og Grunnmenntaskóla, Landnemaskóla og Aftur í nám sem ætlað er lesblindum.

Nám samkvæmt námskrám menntamálaráðuneytisins

Félagsliðar

Mímir-símenntun tók við nýjum hópi í félagsliðanámi fyrir starfsfólk í heimaþjónustu. Þessi hópur sem starfar hjá Velferðarsviði Reykjavíkurborgar hóf nám sitt hjá Námsflokkum Reykjavíkur en fluttist til Mímis haustið 2005. Fyrir var hópur starfsmanna á geðsviði Landspítalans og voru því tveir hópar í félagsliðanámi hjá Mími á haustönninni. Námið tekur í allt fjórar annir og mæta nemendur einu sinni í viku og geta þannig tekið námið með vinnu. Að námi loknu fá nemendur starfsheit félagsliði sem veitir þeim aukin réttindi og bætt kjör.


Leikskólabró fyrir 45 ára og eldri

Haustið 2005 óskaði Efling stéttarfélag eftir samstarfi við Mími-símenntun um rekstur Leikskólabrúar fyrir leikskólastarfsmenn 45 ára og eldri. Námskeiðið er haldið á dagvinnutíma og er 31 eining í framhaldsskóla.


Námsleiðir Landspítala háskólasjúkrahúss

Á árinu var að frumkvæði skrifstofu starfsmannamála LSH boðið upp á nýtt nám fyrir starfsfólk Landspítala háskólasjúkrahúss sem býðst að taka áfanga á framhaldsskólastigi samhliða vinnu. Námið sóttu meðferðar- og stuðningsfulltrúar á geðdeildum.

Námsleiðir FA



Nemendastundir





Nám samkvæmt námsskrám Fræðslumiðstöðvar atvinnulífsins

Nemendastundum í námi sem kennt er samkvæmt námsskrám Fræðslumiðstöðvar atvinnulífsins hefur fjölgað verulega eða um 56% milli árunna 2004 og 2005. Þó hefur enn ekki náðst sá árangur sem náðist 2003 þegar kenndar voru yfir 15.000 nemendastundir í þessum fjórum námsskrám. Skýringanna er að leita í því að þá luku yfir 30 einstaklingar 300 stunda námi í jarðlagnatækni. Það nám féll niður árið 2004 en aftur var boðið upp á það 2005 en þá með aðeins níu nemendum.

Þegar skoðuð er kynjaskipting í þessum fjórum námsleiðum sést að mun fleiri konur en karlar hafa lokið þeim. Á þessu er þó undantekning árið 2003 vegna mjög fjölmenns námskeiðs í jarðlagnatækni en aðeins ein kona hefur lokið jarðlagnatæknináminu.

Jarðlagnatækni

Í mars 2005 luku níu manns námi í jarðlagnatækni. Námið er ætlað öllum þeim sem starfa við jarðlagnir, hvort sem um er að ræða heitavats-, kaldavats- eða rafmagnslagnir. Einnig er fjallað um fjarskiptalagnir á námskeiðinu. Flestir þátttakenda komu frá Orkuveitu Reykjavíkur en einnig voru nemendur frá Gatnamálastofu og nokkrum verktakafyrirtækjum. Námið er 300 stundir. Starfsafl, Starfsmennt Samtaka atvinnulífsins og Flóabandalagsins styrkti félagsmenn sína til þátttöku.

Grunnmenntaskóli

Vorið 2005 luku 15 manns námi úr Grunnmenntaskólanum sem er 300 stunda nám ætlað fólki með stutta skólagöngu að baki. Kennend er íslenska, stærðfræði, enska, sjálfsstyrking og tölvunotkun auk þess sem nemendur gera færnimöppu og fá námsráðgjöf. Haustið 2005 hófu svo 17 manns nám í nýjum Grunnmenntaskóla en þetta er sjötta skiptið sem Mímir býður upp á þetta nám. Starfsafl og Starfsmenntasjóður verslunar og skrifstofufólks styrktu félagsmenn sína til þátttöku en einnig styrkti menntamálaráðuneytið námskeiðin.


Aftur í nám

Námið er ætlað fullorðnu fólki með lestrar- og skriftarörðugleika. Þetta er 95 kennslustunda nám sem gefur allt að sjö einingar til framhaldsskóla. Námið hefst með sjálfsstyrkingu og í framhaldi af því fá nemendur 30 klst. í einkatímum hjá Ron Davis ráðgjafa. Eftir það er kennd íslenska og grunnatriði í tölvunotkun. Allir nemendurnir fá námsráðgjöf. Vorið 2005 luku 13 manns námskeiðinu, um haustið var haldið annað námskeið sem 11 manns luku. Starfsmenntasjóðir Eflingar, VR og fleiri stéttarfélag hafa styrkt félagsmenn sína til þátttöku á námskeiðinu. Einnig styrkti menntamálaráðuneytið námskeiðin.

Landnemaskólinn

Þetta er 120 stunda nám ætlað fólki af erlendum uppruna sem náð hefur nokkurri færni í íslensku tungu. Lögð er áhersla á að byggja upp færni þátttakenda í íslensku og þekkingu á íslensku samfélagi og menningu. Fimmti Landnemaskólinn hófst í október 2005 en sá fyrsti var haldinn vorið 2002. Starfsafl hefur styrkt nemendur til þátttöku en einngöngu félagsmenn Eflingar hafa sótt námskeiðin.

Námsleiðir FA - fjöldi nemenda



NÁM FYRIR ATVINNULÍFIÐ



Hér flokkast námskeið sem ekki eru metin til eininga t.d. samskiptanámskeið og önnur styttri námskeið fyrir atvinnulífið. Námskeið á vegum Félagsmálaskóla alþýðu fyrir talsmenn verkalyðshreyfingarinnar flokkast einnig hér svo og námskeið sem ætluð eru fólki utan vinnumarkaðar. Þá

er markmiðið gjarnan að auðvelda því leið að námi eða vinnu við hæfi. Ef litið er til stólparitanna þá eru hér bæði námskeið sem flokkast sem almenn námskeið, námskeið fyrir Vinnumiðlun Reykjavíkurborgar og námskeið á vegum Félagsmálaskóla alþýðu.

Námskeið á vegum Félagsmálaskóla alþýðu


Á árinu var haldið áfram að vinna samkvæmt þjónustusamningi við Félagsmálaskóla alþýðu um félagslega fræðslu og námskeið fyrir talsmenn verkalyðshreyfingarinnar. Haldin voru 26 trúnaðarmannanámskeið, meðal námskeiða voru námskeið um íslenska vinnumarkaðinn, um vinnuvernd og um hagfræði. Þá voru haldin 22 námskeið fyrir stjórnir og starfsfólk stéttarfélaganna. Þar var m.a. fjallað um tímastjórnun, rekstur stéttarféлага, kennend sænska, áfallahjálpu, stjórnun breytinga, færni- moppu, og fleira. Ekki má gleyma háskólanámi

fyrir talsmenn stéttarféлага við Háskólann á Akureyri. Það var haldið í fjarnámi, auk staðbundinna lota og sóttu það 46 manns. Nemendastundum fjölgaði töluvert hjá Félagsmálaskólanum eins og sjá má á meðfylgjandi stöplari.


Smiðjurnar

Mímír-símenntun sá um lokaþátt tveggja kvennasmiðja en átta vikur af námi þátttakenda voru í umsjón Mímis. Í október hófst ný kvennasmiðja en sú nær yfir 18 mánuði. Í ágúst mánuði hóf fyrsti hópur

Félagsmálaskóli alþýðu



Almenn námskeið - nemendastundir





karlasmíðju nám hjá Mími. Allar eru þessar smíðjur á vegum Velferðarsviðs Reykjavíkurborgar og eru ætlaðar fólki sem hefur átt erfitt með að fóta sig á vinnumarkaði og hefur notið félagslegrar aðstoðar um nokkurt skeið.

Fagnámskeiðin

Tveir hópar luku fagnámskeiðum fyrir starfsfólk í umönnun, annar á vorönn og hinn á haustönn. Athygli vekur að nærri helmingur þeirra sem luku námi fyrir almennt starfsfólk á öldrunar- og hjúkrunarheimilum er af erlendu bergi brotinn. Þá voru haldin fagnámskeið fyrir starfsfólk á leikskólum Reykjavíkurborgar.

Vinnumiðlun Reykjavíkurborgar

Nemendum á námskeiðum fyrir Vinnumiðlun Reykjavíkur fækkaði milli ára enda hefur atvinnuleysi verið lítið. Hins vegar fjölgaði nemendastundum ef miðað er við árið 2004. Ástæðu þess má rekja til þess að árið 2005 voru haldin bæði 90 og 25 stunda námskeið fyrir langtímaatvinnulausa. Þannig voru á árinu haldin tvö 90 stunda námskeið undir yfirskriftinni Aftur í starf. Það er nýtt námskeið fyrir einstaklinga sem hafa verið lengi atvinnulausir og er það kennt samkvæmt samningi við Vinnumiðlun Reykjavíkurborgar. Þá var haldið 25 stunda námskeið, Reynsla er auður, fyrir 50 ára og eldri. Einnig voru haldin tölvu-, ensku-, sjálfstýrkingar- og samskiptanámskeið fyrir atvinnulausa.

Námskeið fyrir fyrirtæki

Á árinu voru haldin samskipta- og þjónustunámskeið fyrir ýmis fyrirtæki. Einnig hélt Mímir námskeið fyrir verkefnisstjóra og bætti þá við fræðslu um verkefnastjórnun. Þá voru haldin námskeið í símsvörun á ensku fyrir nokkur fyrirtæki.

Námskeið fyrir félagsmenn Eflingar

Nokkur námskeið voru haldin sérstaklega fyrir félagsmenn Eflingar stéttarfélags. Þeirra á meðal voru námskeið um námstækni, tölvunámskeið, sjálfstýrkingarnámskeið, námskeið um framsögn og framkomu og um ferilskrá og atvinnuviðtöl.

Námskeið fyrir erlenda félagsmenn Eflingar

Haldið var samskipta- og sjálfstýrkingarnámskeið fyrir Pólverja og námskeið fyrir Víetnama um uppbyggingu íslensks vinnumarkaðar, kynningu á Eflingu stéttarfélagi og samskipti á vinnustað. Á báðum námskeiðum var íslenskur kennari en Pólverji og Víetnami túlkuðu á viðkomandi mál.

Starfslokanámskeið

Mímir heldur starfslokanámskeið fyrir fólk sem er að nálgast ellilífeyrisaldur. Þrjú starfslokanámskeið voru haldin á árinu, tvö fyrir félagsmenn Eflingar og eitt fyrir starfsfólk Orkuveitu Reykjavíkur.


Námskeið fyrir fanga á Litla Hrauni

Haldið var tuttugu stunda samskiptanámskeið sem tókst mjög vel og voru þátttakendur ánægðir með námskeiðið. Styrkur frá dómsmálaráðuneytinu gerði þetta námskeið mögulegt en áframhald varð á starfinu í byrjun árs 2006.

Námskeið í samvinnu við Vernd fangahjálp

Á vorönn 2005 voru haldin fjögur námskeið fyrir Vernd fangahjálp. Námskeiðin voru um samskipti, vinnumarkaðinn, raunfærnimat og ferilskrá og atvinnuviðtöl. Námskeiðin voru fjármögnuð af starfsmenntasjóðunum Starfsafli og Landsmennt en hvor sjóður greiddi helming kostnaðar.

Vinnumiðlun - nemendastundir



EINSTAKLINGS- OG TÓMSTUNDANÁM



Á árinu 2005 voru haldin samtals 239 námskeið með 2128 nemendum. Á vorönn var meiri þátttaka að venju. Vorönn nær yfir lengra tímabil og þar inn í koma t.d. sumarnámskeið barna. Meirihluti nemenda er konur, eða tæp 70%. Nemendum fjölgaði ef miðaði er við árið 2004 en hins vegar voru nemendastundir nú færri en þá. Þátttakendur eru á öllum aldri, þeir yngstu eru börnin sem sækja sumarnámskeið Mímis en þeir elstu voru


einnig duglegir að sækja námskeið. Þannig voru 11% þátttakenda 61 árs og eldri og 88 einstaklingar sem eru orðnir meira en 71 árs eða 2% sóttu tómskúlanámskeið hjá Mími-símenntun. Meirihluti þátttakenda er þó á miðjum aldri. Tungumál eru enn sem fyrr stærsti flokkurinn hér og þeim nemendum sem sækja þau námskeið fjölgar nokkuð milli ára.

Tungumál


Námskeiðunum var skipt niður í þrjú flokka á vorönn: Tungumál, Listir og menning og Gagn og gaman. Á haustönn bættist við nýr flokkur: Íslenska fyrir útlendinga en nánar er fjallað um hann á öðrum stað í ársskýrslunni. Tungumálin voru langstærsti flokkurinn, kennd voru 94 námskeið á vorönn með 722 nemendum. Á haustönn voru haldin 60 námskeið með 518 nemendum. Boðið var

upp á 17 tungumál sem kennd eru á mörgum stigum, byrjendur, framhaldshópar, lengra komnir og talmálshópar. Hvert námskeið er 18 kennslustundir. Einnig er einkakennsla í boði. Þá voru haldin 15 námskeið í Ensri símsvörun í samstarfi við Útflutningsráð. Langflestir nemendur sækja námskeið í spænsku en boðið er upp á átta stig auk talmálshópa. Næst spænskunni í vinsældum eru enska og

Fjöldi nemenda



Einstaklings- og tómskúlanám





ítalska. Auk kvöldnámskeiðanna var boðið upp á dagtíma í ensku og spænsku. Meðal nýjunga á haustönn var taflenska fyrir byrjendur. Einnig eru í boði námskeið ætluð börnum í ensku, spænsku, leiklist og myndlist.

Gagn og gaman


Á undanförunum árum hefur aðsókn að tómskundanámskeiðum minnkað og því var ákveðið að auglýsa færri titla á vorönn í flokknum Gagn og gaman. Af námskeiðum í flokknum Gagn og gaman hafa golfnámskeiðin notið mestra vinsælda. Nýmæli var námskeið um Stafræna myndavél, sem fékk góða aðsókn, Helga Braga leikkona var með nýtt námskeið sem bar yfirskriftina Daður og deit. Nýtt námskeið var einnig um Innanhússhönnun og skipulag sem Hrönn Sævarsdóttir innanhússarkitekt sá um. Mjög góð aðsókn var á því námskeiði og haldin voru tvö námskeið. Námskeið um GPS tæki hefur verið vel sótt. Námskeið um farsímann hafa verið haldin í samstarfi við Símann og gengið vel. Námskeið um matargerð frá framandi löndum hafa einnig notið vinsælda. Nýmæli á vorönn var námskeið um Matargerð í Marokkó sem naut vinsælda. Einnig var góð aðsókn að nýju námskeiði um kransakökugerð. Tölvunámskeið fyrir eldri borgara haldið á dagtíma var nýjung og þátttaka var ágæt. Byrjað var að kenna þæfingu á haustönn, þátttaka var góð og haldin voru nokkur námskeið. Nokkuð fjölgaði þátttakendum í flokknum Gagn og gaman ef miðað er við árið 2004.

Listir og menning

Vinsælustu námskeiðin í flokknum Listir og menning voru námskeið í umsjón Jóhönnu Kristjónsdóttur um menningarheim Araba, samtals tóku 68 nemendur þátt á vorönn og haustönn. Námskeiðið hefur verið haldið í nokkur ár og er alltaf jafn vinsælt. Góð aðsókn var einnig að tveggja kvöldna námskeiði um Madrid í umsjón Kristins R. Ólafssonar, fréttaritara. Alls sóttu 83 manns það námskeið á haustönn og vorönn. Námskeið í olíumálun undir leiðsögn Hörpu Björnsdóttur myndlistarmanns njóta alltaf mikilla vinsælda.

Samvinna hefur verið við Borgarleikhúsið um leiklistarnámskeið auk námskeiða sem tengjast þeim verkum sem eru þar í sýningu. Endurtekið var námskeiðið um Vesturfarana í umsjón Viðars Hreinssonar, Gísla Sigurðssonar, Helgu Ögmundardóttur og Böðvars Guðmundssonar, 25 manns sóttu námskeiðið. Á haustönn var haldið námskeið um Sölkú Völku sem tengdist sýningu Borgarleikhússins á leikgerð verksins. Fyrirlesarar voru Silja Aðalsteinsdóttir, Halldór Guðmundsson, Edda Heiðrún Backman og Hrafnhildur Hagalín Guðmundsdóttir. 20 manns sóttu fyrirlestrana. Af fleiri nýjum námskeiðum í þessum flokki má nefna námskeið um sögu og menningu Marokkó í umsjón Jóhönnu Á. H. Jóhannsdóttur og Brahim Broutarhroucht. Samstarf var við Úrval-Útsýn um námskeið um Marokkó og Madrid. Að lokum má nefna nýtt námskeið í umsjón Katrínar Jakobsdóttur um sakamálasögur frá 19. öld til okkar daga.

Einstaklings- og tómsundanám



Sumarnámskeið barna

Í júní voru haldin tuttugu stunda sumarnámskeið barna, í viku í senn. Í þeim var fléttað saman kennslu, leikjum og útivist. Kennð var enska, spænska, leiklist, myndlist og tæknilego. Mest þátttaka var í tæknilego og ensku.


ÍSLENSKA FYRIR ÚTLENDINGA



Í framhaldi af ákvörðun Menntaráðs Reykjavíkur borgar um að Námsflokkar Reykjavíkur hættu íslenskukennslu fyrir útlendinga á eigin vegum var á haustmánuðum gerður samningur við Mími-símenntun um kennslu í íslensku fyrir útlendinga. Samningurinn nær til allt að 700 erlendra nemenda með búsetu í Reykjavík. Í samningnum er einnig gert ráð fyrir að Mímir taki að sér þróunar-


verkefni um nýja kennsluhætti og nálgun í íslenskunámi. Nemendum sem sóttu íslenskunámskeið fyrir útlendinga hjá Mími-símenntun fjölgaði því mjög mikið og má segja að hér verði margföldun. Áberandi er hve ungt fólk á þrítugs- og fertugsaldri er í miklum meirihluta þeirra sem sækja námskeiðin. Þá eru konur í meirihluta þátttakenda á námskeiðunum, eða yfir 60%.

Íslenska fyrir útlendinga - nemendastundir 2005



Almenn íslenskunámskeið

Á haustönn 2005 var boðið upp á 25, 30 eða 50 stunda almenn íslenskunámskeið á fjórum stigum. Fjöldi hópa var 35. Markmið almennu námskeiðanna er að þjálfa nemendur í grunnþáttum tungumálsins með sérstakri áherslu á íslenskt talmál. Byrjendum er skipt í hópa eftir tungumálum. Á haustönn 2005 voru sérstakir byrjendahópar fyrir Tælendinga, Víetnama, Kínverja, skandinavískumælandi, portúgölskumælandi og nemendur sem tala slavnesk tungumál. Kennarar þessara hópa tala tungumál hópsins og nota það til stuðnings í



kennslunni. Á öðrum byrjendanámskeiðum er notuð enska sem hjálparmál þótt kennsla fari að mestu leyti fram á íslensku. Framhaldsnemendur gátu farið í stöðumat þar sem kunnátta þeirra var metin til að finna námskeið við hæfi. Auk almennu námskeiðanna var boðið upp á eitt námskeið í ritun og eitt námskeið í talþjálfun fyrir framhaldsnemendur.

Starfstengd íslenskunámskeið

Á haustönn 2005 voru haldin starfstengd íslenskunámskeið m.a. á Landspítala-háskólasjúkrahúsi, Hrafnistu í Reykjavík og hjá Samskipum.

Á Landspítalanum voru haldin námskeið fyrir starfsfólk í eldhúsi og starfsfólk í ræstingu og býti-búri. Námið var aðlagð að þörfum nemenda og bæði boðið upp á talþjálfun og byrjenda- og framhaldsnámskeið. Hjá Samskipum var meirihluti nemenda frá Póllandi og fengu þeir því pólskumælandi kennara. Á Hrafnistu var hópurinn stór og í upphafi námskeiðs voru nemendur prófaðir til að geta betur aðlagð námið að ólíkum þörfum svo sem þörf fyrir framburðar- og hljóðæfingar. Á öllum námskeiðunum var bæði farið í starfstengt námsefni og almenna daglega málnotkun.

Vottun um íslenskukunnáttu


Nemendur sem óska eftir að fá vottun um íslenskukunnáttu sína vegna umsóknar um búseturétt eða ríkisborgararétt geta tekið próf hjá Mími-símenntun gegn gjaldi.

Flóttamenn


Í fyrsta skipti í mörg ár gafst Reykjavíkurborg tækifæri til að taka á móti flóttamönnum sem komu til landsins seinni hluta árs 2005. Þeir komu frá Kólombíu og Kosóvu. Velferðarsvið Reykjavíkur leitaði til Mímis-símenntunar um að annast kennslu fullorðnu flóttamannanna. Aðaláherslan er lögð á kennslu í íslensku en einnig vegur samfélagsfræðslan þungt í náminu. Kennslan fer fram alla virka daga þrjá tíma í senn og nær yfir níu mánuða tímabil.



Kynjaskipting 2005



Íslenska fyrir útlendinga 2005



NÁMSRÁÐGJÖF OG ERLENT SAMSTARF



Námsráðgjöf

Í lok ársins 2005 var ljóst að aukin áhersla yrði lögð á náms- og starfsráðgjöf hjá Mími-símenntun, ekki síst vegna væntanlegra samninga við Fræðslumiðstöð atvinnulífsins sem mun í upphafi árs 2006 semja við framkvæmdaraðila um aukna námsráðgjöf á vinnustað.

Á árinu lauk þróunarverkefni sem Mímir símenntun stýrði um námsráðgjöf á vinnustað. Verkefnið hófst árið 2003 með styrk frá Starfsmenntaráði, Starfsafli – Starfsmennt Samtaka atvinnulífsins og Flóabandalagsins og Eflingu-stéttarfélagi. Markmiðið var að ná til einstaklinga sem hafa skamma skólagöngu að

baki og aðstoða þá við að setja sér raunhæf náms- tengd markmið. Verkefnið var framkvæmt þannig að námsráðgjafar mættu á vinnustaði, héldu kynningarfundi og buðu fólki í framhaldi af því einstaklingsráðgjöf. Verkefnastjórar skiluðu ítarlegri skýrslu í lok verkefnisins.

Námsráðgjöf var einnig veitt í tengslum við Grunnenntaskólann og námskeiðið Aftur í nám en öllum þátttakendum á þessum námskeiðum býðst einstaklingsráðgjöf í lok náms.

Erlent samstarf

Mímir-símenntun á fulltrúa í stjórn Fræðslusamtaka verkalyðshreyfingarinnar á Norðurlöndum, ABF Norden. Einn stjórnarfundur ABF Norden var haldinn á Íslandi á árinu.

Vorið 2004 hóf Mímir-símenntun þátttöku í norrænu samstarfsverkefni um fullorðinsfræðslu en verkefnið er kallað MULTI. Markmið þess var að miðla reynslu og upplýsingum meðal þátttakenda um námsráðgjöf og stuðla að endurnýjun aðferða við kennslu fullorðinna námsmanna af erlendum uppruna. Markhópur verkefnisins er fullorðið fólk

af erlendum uppruna sem kemur frá öðrum löndum en Skandinavíu. Árið 2005 fékkst styrkur til nýs verkefnis sem byggir á hugmyndafræðinni úr MULTI-verkefninu og ber sama nafn.

Að þessu sinni er áherslan lögð á hagnýtar aðferðir við framkvæmd fullorðinsfræðslu fyrir nýbúa. Meðal þess sem unnið er að er gerð einstaklingsáætla- ana í námi, uppbygging liðsheilda þeirra kennara sem fást við fræðslu nýbúa og fleira. Fyrsti fundurinn var haldinn í Reykjavík í september 2005.

ÞRÓUNARVERKEFNI



Þróunarverkefni ýmis konar eru mikilvægur þáttur í starfinu enda eru þau forsenda framþróunar og þess að Mímir geti staðið í fararbroddi á sviði fullorðinsfræðslu og símenntunar fyrir fólk með stutta menntun. Starfsmenntasjóður félagsmála-

Reynsla er auður

Styrkur fékkst til að halda námskeið í samstarfi við Vinnumiðlun höfuðborgarsvæðisins fyrir atvinnulaust fólk 50 ára og eldra. Námskeiðinu var ætlað að auðvelda fólk á bera kennsl á þann auð sem býr í reynslunni og auðvelda því að koma auga á nýja möguleika. Haldið var eitt tilraunanámskeið.

Styrkari staða

Námskeiðinu er ætlað að styrkja stöðu fólks 50 ára og eldra á nútíma vinnumarkaði. Verkefnið var unnið í samvinnu við VR, Húsasmiðjuna og Icelandair.

Auk þess var unnið að eftirfarandi eldri þróunarverkefnum styrktum af Starfsmenntasjóði:

Bætt um betur

Verkefninu er ætlað að auðvelda fólk sem hafið hefur vélvirkjanám, vinnur við fagið en hefur ekki lokið sveinsprófi, að ljúka náminu. Notað er raunfærnimat og nemendum gefst kostur á að ljúka þeim áföngum sem upp á vantar. Auk þess býðst nemendum námsráðgjöf.

Ungir landnemar

Í febrúar 2005 lauk námskeiði sem haldið var í því skyni að auka námsframboð ungs fólks af erlendum uppruna en námskeiðið hófst í nóvember 2004.

Fiskur og ferðaþjónusta

Haldið var 300 stunda námskeið í samvinnu við Fræþing – Fræðslumiðstöð Þingeyinga. Á námskeiðinu var notuð námsskrá frá Fræðslumiðstöð atvinnulífsins. Styrkur hafði fengist frá Starfsmenntasjóði félagsmálaráðuneytisins, Landsmennt og Starfs-

ráðuneytisins hefur veitt styrki til ýmissa verkefna en einnig hafa fengist styrkir frá menntamálaráðuneytinu úr Þróunarsjóði framhaldsskóla og frá fleiri aðilum. Árið 2005 fengust fimm styrkir frá Starfsmenntaráði vegna eftirfarandi verkefna.

Færnimappa fyrir 50 ára og eldri

Markmiðið með þessu verkefni er að aðlaga þá Færnimöppu sem hefur verið notuð þannig að hún henti fólk sem er 50 ára og eldra.

Námstækni í fullorðinsfræðslu

Verkefnið er ekki farið af stað en unnið verður að því á árinu 2006.

Fræðsluefni fyrir fanga

Undirbúningur verkefnisins hófst á árinu og verður unnið áfram að því árið 2006.

menntasjóði verslunar- og skrifstofufólks til að þróa námið, gera námsskrána og halda námskeið.

Mat á námsleiðum

Frá menntamálaráðuneytinu fékkst styrkur úr Þróunarsjóði framhaldsskóla til þess að gera Mat á námsleiðum en í því fólst samanburður á Jarðlagna-tækni og Grunnmenntaskóla en námsleiðirnar eru báðar 300 stunda, gerðar hafa verið námsskrár fyrir þær og þær hafa verið metnar til eininga í framhaldsskóla.

LYKILTÖLUR ÚR REKSTRI

Eftir tvö erfið ár í rekstri hefur orðið viðsnúningur á rekstri fyrirtækisins. Tekist hefur að auka tekjur umfram útgjöld og er Mímir því í fyrsta skipti að skila hagnaði. Mímir-símenntun er fyrirtæki til almannaheilla og fer því hagnaðurinn inn í reksturinn og nýtist þar til að veða að litlum hluta upp á móti tapi fyrri ára.

Tekjuaukninguna má að stærstum hluta rekja til aukningar í starfstengdu og einingabæru námi en aukin eftirspurn eftir ýmsum námskeiðum er einnig að skila rekstrinum nokkrum tekjum.

Reikningar félagsins hafa verið endurskoðaðir af Grant Thornton og samþykktir og undirritaðir af stjórn Mímis-símenntunar.

Rekstrarreikningur 2005

	2005	2004
Rekstrartekjur		
Námskeiðahald	122.304.655	84.567.997
Rekstrargjöld		
Kostnaður við námskeiðshald	61.421.074	40.173.687
Laun og annar kostnaður	60.599.535	49.751.569
	<u>122.020.609</u>	<u>89.925.256</u>
Hagnaður (tap) fyrir fjármunatekjur og fjármagnsgjöld	284.046	-5.357.259
Fjármunatekjur og fjármagnsgjöld		
Vaxtatekjur, verðbætur og arður	797.243	886.499
Vextir, verðbætur og gengismunur	-225	-13.720
	<u>797.018</u>	<u>872.779</u>
Hagnaður (tap) ársins	<u>1.081.064</u>	<u>-4.484.480</u>

Efnahagsreikningur 2005

Eignir

	2005	2004
Fastafjármunir		
Áhöld og tæki	4.333.310	3.457.627
Fastafjármunir	<u>4.333.310</u>	<u>3.457.627</u>
Veltufjármunir		
Skammtímaskuldir	8.053.699	7.383.944
Sjóðir- og bankainnistæður	12.185.933	9.029.312
Veltufjármunir	<u>20.239.632</u>	<u>16.413.256</u>
Eignir samtals	<u>24.572.942</u>	<u>19.870.883</u>

Skuldir og eigið fé

	2005	2004
Eigið fé		
Hlutfé	16.034.301	16.034.301
Ójafnað tap	-6.461.204	-7.542.268
Eigið fé samtals	<u>9.573.097</u>	<u>8.492.033</u>
Skammtímaskuldir		
Ýmsar skammtímaskuldir	14.999.845	11.378.850
Skuldir samtals	<u>14.999.845</u>	<u>11.378.850</u>
Skuldir og eigið fé samtals	<u>24.572.942</u>	<u>19.870.883</u>





Ársskýrsla 2005
Ábyrgðarmaður: Hulda Ólafsdóttir
Hönnun og umbrot: Auglýsingastofan Einn, tveir og þrír
Prentun: Litlaprent



Mimir-símentun • Grensásvegi 16a • 108 Reykjavík • Sími 580 1800 • Netfang: mimir@mimir.is

www.mimir.is